



Inatsisartuni Atassutip ilaasortai

Kangerlussuarmi Tatsip Ataata eqqaani sisamanik assakaasulinnik atuinermut tunngatillugu § 37 tunngavigalugu apeqqummut akissut
Inatsisartut Suleriaasianni § 37, imm. 1 naapertorlugu Kangerlussuarmi Tatsip Ataata eqqaani qamutinik motoorilinnik takornariartitsisartut atuisinnaanerannut kina akuersissuteqarsimanersoq pillugu Atassut akineqarusuppoq.

21. marts 2011
Sagsnr. 2011-046222
Dok. Nr. 585854

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

Apeqqummut atatillugu Nunamut Namminermut, Pinngortitamut Avatangiisinullu Naalakkersuisoqarfik (NNPAN) aallarniutigalugu oqaatigissavaa Kangerlussuup eqqaani motorilinnik angallanneq Sisimiut, Kangerlussuup Maniitsullu eqqaanni assartuutit motorinik ingerlatillit atorneqarneri pillugit Namminersornerullutik Oqartussat nalunaarutaat nr. 5, 25. maj 1999-imeersoq aqutugalugu malittarisassaqartinneqarmat. Tamatuma saniatigut Kangerlussuup eqqaa pillugu ingerlatsinissamut 2010-mi pilersarusiortoqarpoq, nunami tamaani siunissami angallanneq pillugu toqqammavissanik aalajangersaasumik.

Ingerlatsinissamut pilersaarut Qeqqata Kommunia, Kangerlussuarmi Nunaqarfimmi Aqutsisut, KNAPK, Nunatsinni Takornariartitsinermut Inuussutissarsiornermullu Siunnersuisoqatigiit kiisalu Namminersorlutik Oqartussani immikkoortut attuumassuteqartut suleqatigeqqissaarlugit piareersarneqarpoq. Tamatuma saniatigut ingerlatsinermi pilersaarutip piareersarneqarneranut atatillugu illoqarfinni arlalinni innuttaasunik ataatsimiisitsisoqarluni.


Ingerlatsinissamut pilersaarummit takuneqarsinnaavoq Tatsip Ataaniit Tasersuarmut assartuineri ingerlaarfissalortoqassasoq.

Assartuineri ingerlaarfik nalinginnaasumik atuuttussanngussappat assartuutit motorinik ingerlatillit atorneqarneri pillugit nalunaarutip nutarterneqarneratigut malittarisassatut aqqissuunneqassaaq, tamannalu piareersarneqarpoq 2012-llu aallartinnerani akuersissutigineqarnissaa naatsorsuutigineqarluni. Nalunaarutip nutaap akuersissutigineqarnissaata tungaanut Sisimiut, Kangerlussuup Maniitsullu eqqaanni assartuutit motorinik ingerlatillit atorneqarneri pillugit nalunaarut atuuttoq malillugu assartuineri ingerlaarfissami aalajangersimasumi angallanneri immikkut akuersissummik qinnuteqartoqassaaq. Taamatut qinnuteqarneq inuussutissarsiutigalugu tuttunniarnermut umimmanniarnermullu atatillugu 2010-mi ukiakkut NNPAN-imit tiguneqarpoq, ingerlatsinermullu pilersaarummit innersuussinikkut assartuineri ingerlaarfimmi qulaani taaneqartumi angallannissamut nalinginnaasumik immikkut akuersisoqarluni, taamaattofli inuussutissarsiutigalugu piniartunuinnaq.

Akerlianilli ingerlaarfimmi pineqartumi angallanneri immikkut akuerineqarnissaq pillugu qinnuteqaammik takornariartitsisartuniit NNPAN tigusaqanngilaq – taamaallunilu

taamatut angallannissamut aamma akuersissummik tunniussisoqarnikuunani. Taamatut angallattoqarsimappat tamanna taamaattumik inatsisinik unioqqutitsinertut isigineqartariaqarpoq. Nunami tamaani inatsisinik unioqqutitsisumik angallannerup qanoq annertutigisimanerata qulaajarnissaa siunertaralugu suliaq NNPAN-imit annertunerusumik misissorneqassaaq.

kinngutinnerusumik inuulluagqussillunga



Arthon Frederiksen